

# UNAMUNO'ri

OTSALAR'ek

*« Este donquijotesco  
don Miguel de Unamuno, fuerte vasco... »*  
A. MACHADO.

Goruntz begira.  
Pentsamenaren mugak  
jakintza bakanez  
urratuz,  
errazoia arturik  
oñarritzat ta  
elburuz.  
Ondogabeko amiltegiz  
inguraturik  
ibili zīñan  
zintzoki ;  
bide makurretan zear,  
leza beltzaren  
aurrez-aurre  
ausarti.

Zalantzak zenitun.  
Ta, nola ez ?  
Illunaldeetan ezin  
arkiturik.  
Argi unetan Jaunakin  
ziñelarik.  
Noiz argi  
ta noiz illun ?...  
ezin igarririk.

Beti-otasunaren  
egi,  
zure jakintza  
sakonak ezin  
erabagi.

Gogoz urbilduz,  
errazoiz urrinduz ;  
bien arteko ausia  
ezin berezitzuz.

Zurekiko,  
ameskaitz zorabioka,  
zerorren buruakin  
gudaka.

Orrela ere  
Bere billa.  
Ezer ezaren  
billaketan ain  
arduradun ?  
Etziñan arduratuko  
izan ez-balitz  
iñun ;  
nunbait delako  
ziñan billa,  
naiz eta ibili  
itun.  
Zalantza ta guzi ere  
Beraren bearra  
zenun.